



Rima, Labarik Ida-ne'ebé Barani

Rima kontente tebes atu bá vizita feira Boisaki ho nia tiu. Maibé bainhira nia haree hale'u buat furak sira-ne'e, nia tiu bá tiha ba fatin seluk. Rima lakon! Rima bele buka hetan fali nia tiu iha ema barak ne'e

nia leet ka lae?



Rima, Labarik Ida-ne'ebé Barani
Rakibul Islam

Let's Read



The Asia Foundation



Rima bá feira (pameran) hamutuk ho nia tiu. Feira ne'e feira Boisaki nian ida! Iha kór barak iha fatin-fatin: mean, mutin no sira seluk tan. Tiu gosta tebes kór-mean.



Iha fatin ne'e iha loja barak! No iha buat barak ne'ebé ita bele sosa.



Rima haree buat hotu hanesan maravilla ida.



Derrepente . . . Rima la bele haree nia tiu. Nia tiu bá iha ne'ebé?



Nia labele haree hetan nia tiu. Rima sente laran-susar. Maibé nia la lakon korajen.



"Ha'u hatene oinsá atu hetan buat sira-ne'ebé lakon," Rima hanoin.
"Ha'u sei la'o hale'u feira ne'e hodi buka Tiu!"



Iha ema lubuk ida-ne'ebé hamriik hamutuk iha ai-hun nia okos hodi haree asaun samea nian. Rima bolu nia tiu. Maibé nia tiu laiha ne'ebá.



"Dalaruma Tiu sosa hela boneka mai ha'u!" Rima hanoin. Nia halai ba loja boneka nian. Rima bolu. Maibé nia tiu laiha ne'ebá.



Tiu bá loos iha ne'ebé?



"Karik Tiu bá karrosél mean," Rima hanoin. Tan ne'e nia halai ba iha ne'ebá.



Rima bolu nia tiu. Maibé nia tiu laiha ne'ebá. Hafoin Rima haree mane ida iha ne'ebá. Nia hatais rupa mean hanesan ninia tiu nian!



Rima bolu ho lian maka'as, "TIU!"



Mane ne'e fila no haree ba Rima.



"Oh, Anoi, ó labele hetan ó-nia tiu ka?" mane ne'e husu.



Rima haree balaun semo iha ai-hun leten. Besik ai-hun ne'e nia haree labarik-mane ida. Labarik ne'e mesak de'it no tanis hela. "Saida mak akontese?" Rima husu. "Tansá mak ó tanis?" Maibé labarik ne'e la para tanis. "MAAAA! BABAAAA!" Nia tanis.



Rima hatene saida mak nia tenke halo. Nia lori labarik-mane ne'e ba mikrofone ne'ebé besik fatin ne'e. "Labarik-mane ne'e presiza ita-nia tulun," nia dehan ba anunsiaadór ne'e. "Favór dehan ba nia inan-aman katak nia iha-ne'e!"



La kleur de'it, labarik ne'e nia inan-aman to'o mai. Sira kontente tebes.
Maibé Rima nia tiu iha ne'ebé? Hein lai . . . ida ne'ebá . . . "TIU"!



Sira halai hasoru malu.Tiu dehan, "Ó bá iha ne'ebé? Ha'u buka ó iha fatin-fatin"."Ha'u mós buka Tiu," Rima hatán. "Maibé tuir loloos Tiu la presiza labarik sira hodi buka sira!"



REMATA

Endorsed by:
The Ministry of Education, Youth and Sport, Timor-Leste



Supported by:



Brought to you by

Let's Read is an initiative of The Asia Foundation's Books for Asia program that fosters young readers in Asia and the Pacific.

booksforasia.org To read more books like this and get further information, visit letsreadasia.org.

Original Story Brave Rima, Author: Rakibul Islam. Illustrator: Shamim Ahmed. Published by Pratham Books,

<https://storyweaver.org.in/stories/37446-brave-rima> © Pratham Books. Released under CC-BY-4.0.

This work is a modified version of the original story. © The Asia Foundation, 2020. Some rights reserved. Released under CC-BY-4.0.

For full terms of use and attribution,

<http://creativecommons.org/licenses/by/4.0/>

Contributing translators: Aprilia Carmone and Cecilia Barreto